

# N'WASWIMAWUSA WA VAT WA LE KZN A KHOTSIWA MALEMBE YA NKOMBO HIKWALAHO KA VUKANGANYISI BYA VAT

**Pretoria, ti 12 Nyenyankulu 2019** - Manana wa le KwaZulu-Natal loyi a nga mbabva SARS kwalomuya ka R4 miliyoni u nyikiwile xigwevo xo ringanela xa nkombo wa malembe eKfoto ya Xifundza ya le Durban Ravumune leri nga hundza.

Manana Saraspathie Vallee (47) wa le Chatsworth, tanihi n'winyi wa bindzu a ri yexe ra khoporexini yo pfaleka ra Gutterpride Trading, u tivonile nandzu eka vukanganyisi bya Xibalo xa Mixavo no tlula Nawu wa Nsivelo wa Vugevenga bya Mitlawa.

Hi ku tirhisa vukorhokeri bya eFiling ya SARS, u koxile vuyiselo wa VAT wa ntsengo wa R3 972 814 hi ku yimela Gutterpride eka nkarhi wun'we wa xibalo hi 2014 naswona SARS yi nyikiwike tidokhumente to seketela ta vun'wa ku tiyisisa xikoxo. SARS yi hungutile vuyiselo naswona endzhaku ka loko swibalo leswi kayiveleke swi n'okisiwile, ntsengo wa R2 484 683.75 wu vuyiseriwile eka enthithi.

Endzhaku ka masikunyana loko vuyiselo wu hakeriwile eka akhawunti ya khoporexini yo pfaleka, Valle u endlile mirhurhiso yo hlaya ku suka eka akhawunti.

Valle u tivonile nandzu eka milandzu yimbirhi hi ku ya hi Xiyenge xa 112(1)(a) xa Nawu wa Maendlelo ya swa Vugevenga. Enthithi ya Gutterpride yi xupuriwile hi nxupulo wa R100 000, no yimisiwa nkarhinyana wo ringana ntlhanu wa malembe.

Tanihleswi tinjhini ta nxungeto ta SARS ti ya ka emahlweni ti antswisiwa, hi ta ya emahlweni hi khoma vakanganyisi va VAT, ku aka hi vuntshwa ntshembheko eka nhlngano wa hina, ku tumbuluxa ndzhawu yo tirhela ya mabindzu leyi kalaka mboyamelatlhelorin'we, no seketela xileriso xa hina xo hlengeleta mali leyi kolotiwaka mfumo.